

امور اداره و تحریریه و اعلانات و سائرہ
ایچون مدیر مسئلہ مراجعت ایدملیدر .
عرفای امتک مقالات متصوفانہ لرینہ
جریڈہ صوفیہ نک صحیفہ لری آجیدر .
درج ایدلیان اوراق اعادہ ایدلر .

جریدہ تصوف

شیمدیلاک هفته ده بر نشر اولنور .

نسخہ سی ۴۰ پارہ در .

ابونہسی : بر سنہک اعتباریلہ ممالک
عثمانیہ ایچون ۴۰ آلتی آیلنی ۲۵ غروش
وممالک اجنبیہ ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعہ سی

تصوفی ، دینی ، اخلاقی ، سیاسی جریدہ اسلامیه در .

نور چشم اهل رؤيت در كلاه مولوى

از مير مولوى شيخى : نورالدين

طالب اذواق وجد وعشق اولان جانلر ايجون

مصدر فيض حقيقت در كلاه مولوى

اسبق شهر امينى : رشيد ممتاز

هفته شئون

عقد

دولتو عصمتلو عادلہ سلطان حضرتلری ایلہ مورہ لی ابراہیم پاشا
حفیدی صلاح الدین بك افندیك امر مسنون عقدلری كچن بازار ايرتسی
كونی قبل الظهر الاتورقه ساعت درت بچق راده لرندہ سرای هایونده
اجرا بیورلمشدر .

سلطان حضرتلرینك وکیلی سرقرین حضرت شہریاری توفیق بك
افندی ، شاهدلری یاوران حضرت شہریاردن میرالای حافظ ابراہیم
وحیب هایون کاجی حقی بك افندیلر ؛ صلاح الدین بك افندیك
وکیلی مایین باش کاجی فؤاد بك افندی، شاهدلری ده سرطیب حضرت
شہریاری خیری ومایین هایون کاتبلرندن عزت بك افندیلر ایدی .

امر مسنون عقد شیخ الاسلام خیری افندی حضرتلری طرفندن
اجرا ایدلش وامام اول جناب پادشاهی طرفندن ده تمنی سعادت متضمن
غایت بلیغ بردا قرائت اولمشدر .

اشبو عقد متیمندہ داماد حضرت شہریاری صلاح الدین بك افندی
دخی حاضر بولمشلردر . مشارالیه عقدك اجراسنی متعاقب نائل التفات
حضرت شہریاری اولمشلردر .

§ فتوا امینی وامیناکی — فتوا امینلکنہ حیدر منلا بك افندی
حضرتلری ومعاونلکنہ حبلدہ بولنان مشاہیر فقہان شیخ زرقا
افندی حضرتلری تعیین قلمشدر .

عالم اسلام

سرای بوسندہ انتشار ایدن « مصباح » غزنہ سندن :

بوسنہ ہر سك رئیس العلمالغہ خواجہ كان مجلس طرفندن علمای
بنامدن فضیلتو الحاج محمد جمال الدین افندی حضرتلرینك انتخاب و
ایمپراطور جانبندن تصدیق اولمشدر .

مشارالیه بکئلردہ برای تحلیف ویانہ بہ عزیمت ایدرك حضور
ایمپراطوری بہ قبول اولنہ رق رسم تحلیفی اجرا وذات ایمپراطوری بہ
عرض تشکرات ایدرك بوسنہ بہ عودت ایشدر .

مشارالیه اشای عودتلرندہ ہر استاسیونندہ اہالی اسلامیہ طرفندن
استقبال اولمش وسرای بوسنہ استاسیونندہ علما واشراف بلدہ ایلہ
اہالی اسلامیہ حاضر بولمش وشعدی بہ قدر مثلی کورلماش برغلبہ لك
موجود ایدی حاضر وندن خنکار مدرسہ سی مدرسہ فضیلتو الحاج
حسن افندی حضرتلریلہ مشہور آووقا تلردن بسروویج عاکف افندی
نطقلرلہ سلاملماش وخوش آمدی ایفا قلمش ومفتی محمد جمال الدین
افندی طرفندن نطقلرہ مناسب جوابلر ایراد ایلہ طوغریلہ ریاست
علمیہ دائرہ سنہ تشریف اولمشدر مشارالیه حرمین محترمین پایہ سی
البسہ رسمہ سی لابس ایدی .

ویانہ سفیر کیری اہتلو دولتو حسین حامی پاشا حضرتلری
طرفندن مشارالیه مفتی افندی حضرتلری شرفہ برضیافت کشیدہ
ایدلمشدر .

الوحدة الاسلام — بو عنوان ایلہ ژاپونیانك توكیو بلدہ سندہ ژاپون
وانکلیز لسانی ایلہ برغزنہ انتشا ایتمکہ باشلامشدر . مذکور غزنہ دہ
حربیہ ناظری وارکان حربیہ عمومیہ رئیس انور پاشا حضرتلرینك
رسملریلہ تزیین اولمشدر . بو غزنہ تی نشر ایدنلر اراسندہ بولنان ذات
كچن سنہ پایتختمزى زیارت ایدن ہندستانی برکت اللہ افندیلر .

مہم برقتوا — روسیہ دہ منتشر « الدین والادب » رسالہ سی صوك
نسختہ لرندن برندہ علجان البارودی امضاسی ایلہ عشر صدقہ لرینك
مکتب مدرسہ فائدہ سنہ ویرمہ نك طوغریلغہ دائر شرعی برقتوا
ویریور . قریمدہ چیقان « ترجمان » غزنہ سی بوفتوادن بحث ایدركن
صاحب فتوا علجان حضرتی تبریک ایدیور وبوقتوا ماتمزلہ استقبال
وسعادت ايجون اك لازم واهیتلی برشیدر دیور .

جمعیت خیریہ اسلامیہ — رومانیا دہ نشر ایدیلان « ایشیق »
رفیقمزدہ کورلمشدر . یکی رومانیا نك دو بریج حاجی اوغلی بازارجفی
مسلمانلری بوکرہ « جمعیت خیریہ اسلامیہ » نامیلہ برجعت تشکیل
ایتمشلردر .

لحج سلطانی — « العدل » غزنہ سی لحج سلطانی احمد بن فضلک
اکال انقاس معدودہ حیات ایلدیکنی وانی مشاہیر علمای بنامدن
السید علی بن احمدك استخلاف ایتدیکنی یازیور .